



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Broj: 02-02-1-835-2/25
Sarajevo, 24.09.2025.

Predmet: Poziv bh. kompanijama za učešće na Međunarodnom sajmu prehrambene industrije SIAL 2026, Pariz (Francuska); 17-21.10.2026. godine.

Poštovani,

Vanjskotrgovinska/ Spoljnotrgovinska komora BiH po treći put organizuje izlaganje bh. kompanija na jednom od vodećih i najposjećenijih sajmova u oblasti prehrambene industrije - **SIAL 2026, koji se održava u Parizu (Francuska), u periodu od 17.-21.10.2026. godine.**

Zahvaljujući izvanrednim rezultatima prethodnih izdanja, među kojima se izdvaja prošlogodišnji sajam sa oko 7.350 izlagača iz 127 zemalja i približno 290.000 posjetilaca iz više od 200 država, SIAL je učvrstio svoju poziciju kao jedan od najvažnijih međunarodnih sajmova prehrambene industrije. Ovaj sajam predstavlja izuzetnu priliku za promociju proizvoda, praćenje globalnih trendova, uspostavljanje novih poslovnih partnerstava te unapređenje izvoza.

Sajam traje ukupno 5 dana tokom kojih se organizuje i veliki broj foruma, konferencija, sastanaka, prezentacija proizvoda i usluga, kao i promocija najnovijih trendova i inovativnih rješenja u segmentu poljoprivredno – prehrambene industrije i komplementarnih grana privrede.

U svrhu nastupa na sajmu, Vanjskotrgovinska/ Spoljnotrgovinska komora namjerava zakupiti prostor za potrebe zajedničkog štanda.

S toga, pozivamo sve zainteresovane kompanije da uzmu učešće na sajmu SIAL 2026.

Kriteriji za kompanije-suizlagače su sljedeći:

- Proizvođači sljedećih kategorija proizvoda: konditorski proizvodi, začini, kafa, tjestenina, smrznuto i prerađeno voće i povrće, pića, konzervirana hrana, dijetetski proizvodi, ulja, organski proizvodi kao i drugi slični proizvodi prehrambene industrije.
- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su orijentisane za izvoz na tržište EU i odgovaraju adekvatnim kvalitetom proizvodnje;
- Kompanije koje su izmirile finansijske obaveze proizašle iz prethodnih nastupa na sajmovima koje je organizovala VTK/STKBiH i koje su pokazale profesionalan pristup



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566 258, 566-259

E-mail: cis@komorabih.ba
<http://www.komorabih.ba>

prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);

- Kompanije koje su aktivni član VTK/STKBiH (redovno izmiruju obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13);

Troškovi koje snosi Vanjskotrgovinska/Spoljnotrgovinska komora BiH

VTK/ STK BiH snosi dio troškova zakupa prostora, kompletne troškove uređenja štanda, troškove potrošnje električne energije, troškove sajamskog kataloga (Media package), troškovi logistike na štandu (čišćenje, osvježenje – voda, kafa, sokovi, grickalice...).

Troškovi koje snose bh. kompanije:

BH kompanije – suizlagači snose dio troškova zakupa prostora i troškove nabavke dodatnih ulaznica za svoje predstavnike ili posjetioce:

Kotizacija za uređenje štanda po kompaniji iznosi 7.000 KM + PDV 17%;

Pored navedenog, kompanije- suizlagači su dužne snositi i ostale vlastite troškove:

1. Transport
2. Špedicija eksponata
3. Troškovi smještaja
4. Prevoz predstavnika/ izlagača kompanije

Zbog završnih dogovora oko nastupa na sajmu, potrebe uređenja i opremanja štanda, predviđen boravak za izlagače u Parizu je dan pred početak održavanja sajma i cijelo vrijeme trajanja sajma (16-21.10.2026.).

Prijavu možete izvršiti dostavljanjem popunjenog Prijavnog formulara i potpisanog i ovjerenog Sporazuma o uslovima izlaganja u 4 primjerka (prilog).

Selekcija učesnika

Zainteresovane kompanije koje do naznačenog roka dostave popunjenu Prijavu učešća i potpisan Sporazum o uslovima izlaganja na štandu BiH, ulaze u proces selekcije i biće rangirane prema gore navedenim kriterijima učešća. Firme koje uđu u uži izbor biće kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizovati posjetu firmi.

Rok za dostavu prijava i Sporazuma je 03.10.2025. godine.

Zbog brže obrade podataka, popunjen, potpisan, pečatom ovjeren, skeniran Prijavni obrazac i Sporazum možete dostaviti na sljedeću mail adresu: stanislava.perisic@komorabih.ba, dok je originalni Prijavni obrazac i 4 primjerka ispunjenog, potpisanog i pečatom ovjerenog Sporazuma potrebno dostaviti poštom na adresu Vanjskotrgovinske/Spoljnotrgovinske komore Bosne i Hercegovine, Branislava Đurđeva 10, 71 000 Sarajevo.



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Za organizaciju nastupa na sajmu SIAL, potrebno je imati najmanje prijavljenih 5 kompanija, u suprotnom VTK/STK BiH zadržava pravo otkazivanja organizacije.

Za sva dodatna pitanja kontakt osoba je Stanislava Perišić, stručni saradnik: +387 33 566 242.

U očekivanju vašeg pozitivnog odgovora.

S poštovanjem,



Prilog:

- Obrazac za prijavu;
- Sporazum o uslovima izlaganja na međunarodnom sajmu SIAL 2026



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566-258, 566-259

E-mail: cis@komorabih.ba
<http://www.komorabih.ba>